

MPAJ, penduduk sekitar gotong-royong hapus Aedes

AMPANG: Majlis Perbandaran Ampang Jaya (MPAJ) berganding bahu bersama penduduk Kampung Melayu Ampang Tambahan (PKNS) di sini menjalankan program gotong-royong pada 20 Jun lalu bagi membersihkan kawasan kediaman mereka daripada Aedes.

Gotong-royong yang bermula dari 8 pagi sehingga 12 tengah hari dianjurkan Jawatankuasa Penduduk (JKP) Zon 9 dengan kerjasama MPAJ, Jawatankuasa Kemajuan dan Keselamatan Kampung (JKKK) dan Jawatankuasa Surau Al-Ikhlasih serta kakitangan Jabatan Perkhidmatan Perbandaran Kesihatan MPAJ.

Pegawai Perhubungan Awam MPAJ, Norhayati Ahmad, berkata bertujuan membebaskan penduduk daripada risiko ancaman Aedes dan denggi khususnya penduduk di bawah pentadbiran MPAJ di samping mengukuhkan hubungan dengan penduduk.

“Program ini juga mendapat kerjasama yang baik daripada penduduk sekitar yang telah membantu menjalankan kerja pembersihan termasuk membuat semburan nyamuk, penyapuan dan pengutipan sampah di setiap jalan dan lorong, taman-taman, padang permainan dan surau.

“Gotong-royong juga turut membabitkan pembersihan longkang, mencantas pokok besar, membuat pemeriksaan



MPAJ dan penduduk Kampung Melayu Ampang Tambahan bergotong-royong membersihkan kediaman mereka, baru-baru ini.

di setiap rumah dan memberi panduan cara menjaga kebersihan sekitar kawasan rumah.

“Selain itu, program seperti ini juga diadakan untuk membasmi pembiakan nyamuk Aedes, tikus dan binatang perosak yang lain,” katanya.

Katanya, MPAJ merancang untuk menjalankan program seperti ini di setiap kawasan di bawah pentadbiran MPAJ bagi memastikan kawasan

“Gotong royong dapat menyedarkan orang ramai kepentingan menjaga kebersihan dan tidak terlalu bergantung kepada MPAJ sepenuhnya”

Norhayati Ahmad
Pegawai Perhubungan Awam
MPAJ

Ampang bersih dan selamat untuk setiap masyarakat di situ.

“Kerjasama orang awam sangat dialu-alukan agar Ampang Jaya menjadi bandar yang bersih dan selesa. Gotong royong dapat menyedarkan orang ramai mengenai tanggung jawab memastikan kawasan mereka bersih dan tidak terlalu bergantung kepada MPAJ sepenuhnya,” katanya.